



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
manè discutienda, in Scholis Medicorum, die Jovis septimâ  
Februarii M. DCC. XXXII.

M. JACOBO BENIGNO WINSLOW,  
Regiæ Scientiarum Academiæ Socio, Teutoniciæ Linguae  
Regio Interprete, Societatis Regiæ Berolinensis Socio,  
DOCTORE MEDICO, PRÆSIDE. *Autore.*

*An in cognoscendis morbis errores funestos vitare possit Anatomes  
parùm duntaxat gnarus?*

I.



UIS adeò lynceus & perspicax, ut corporeis oculis internorum & latentium æ  
morbis sedes dignoscere queat? Non est fenestratum corpus humanum, æ  
ut quod intus agitur, pervideamus. Sed fenestra quam Monus in humano æ  
corpore desiderabat, ipsa est Anatome, corporis abditos recessus investi- æ  
gans, quorum observatione internorum morborum sedes, partium consen- æ  
sus inter se, & hostis intestini ejiciendi viæ accommodatæ deprehenduntur. æ  
Quisquis enim artificiosè corpora humana secare novit, eorumque singulas æ  
particulas diligenter inquirat, ex his latentium morborum causas & sedes faciliè intelliget, æ  
nec non accommodata remedia præscribet. Secus verò Anatomie ignarus accidit, quos non æ  
inceptè cæco & insano comparaveris, qui nunquam visâ horologii fabricâ, velit tamen, si motus ces-

» foret, consilium dare, quid esset in eo agendum. Anatomen igitur duce[m] sequatur, qui per-  
 » fectam rerum naturæ cognitionem affectat; hanc Medicus assidue colat & diligenter amplecta-  
 » tur, si materiam, quam tractat, perspectam & probe cognitam habere desiderat. Qui Enehei-  
 » rism Anatomicam Medium dedecere aut dedecore censent, aut sunt nimium venustuli, si  
 » sanguine humano tinctas & inquinatas manus exhorrescunt; aut sunt contemptores Medici,  
 » qui in abstracto res Mediceas considerant, parum solliciti de his, quæ in arte nostrâ pravè aut  
 » rectè geruntur. Ità quondam fatus est Reginæ Galliarum Archiater illustis & in Scholâ Pa-  
 » risiensî Anatomies instaurator maximus.

## I I.

**E**RGO-NE istiusmodi culpâ vacare poterit Anatomen probe callens, reliquæ licet artis Me-  
 dicæ parum gnarus? Absit, ista sic reciprocentur. Soli alterutri non fidendum; nec diffi-  
 dendum sociatis ambobus. Attendas verò impræsentiarum haud queri, num universæ artis Me-  
 dicæ, solâ Anatomie exceptâ, peritissimus morbos morborumque symptomata certò p[ot]erit in-  
 ternoscere; quæri autem, num idem ille in ista cognitione funestas declinare poterit hallucina-  
 tiones. Monet idem Scholæ nostræ Professor, damnasæ » Hippocratem eos, qui existima-  
 » bant totâ[m] artem Medicam sitam esse in cognitione corporis humani, nihilque præter ejus  
 » causas & compositionem speculabantur; voluisse præterea actiones partium considerare, ut  
 » earum ex vitis morbos intelligamus. Galenum ex notiâ nervorum laudem sibi comparasse,  
 » quòd ei qui ex alto in spinam deciderat, & in manuum stuporem, torporemque inciderat,  
 » non manibus, quibus Medici Anatomies ignari medebantur, sed spinæ remedia admovebat, è  
 » qua nervos in ipsas manus deduci ex Anatomie didicerat. Præcepisse Fernelium, ut nemo ad  
 » Pathologiam suam particularem accedat, nisi gnarus Anatomies, ac peritissimus, & quæcum-  
 » que quis leget & audiet, fixâ meditatione ea contempletur in humano corpore. Documenta  
 hæc fortè putas obsoleta? Recentiora velles? En recentissima & idias πρᾶξις.

## I I I.

**M**ULIERI cuidam, variis hyemali tempore factis itineribus ægrotanti, ac Rheumaticis  
 » hinc doloribus vehementer afflictâ collum aded devenit obtortum, ut alteri humero facies  
 » obversa fuerit, eidemque mentem semper itâ affixum, ut nunquam nisi manuum ope antor-  
 » sum reduci posset, nec in situ naturali permanere, nisi alienis detentum adminiculis. Huic af-  
 » fectui curando trimestre tempus impensum est. Varia interim variè tentaverant remedia. Omnia  
 » ineffectum, nullus successus, spes nulla. Vocatur demum ille, qui Anatomica læne singulis ad  
 » amissum trutinatis errorem detexit, nimirum parti illæ omnia hæcenus adhibita fuisse medi-  
 » camina, affectæ verò nulla; imò partem incolumem erroneâ medicatione itâ demum tumui-  
 » sc, ut vera mali sedes focusque morbi clandestinus putaretur magis magisque. En verò, inquis,  
 » insignem tûm in cognoscendo, tûm in curando errorem! Causam queris? Anatomies imperi-  
 » tus culpato. Viderant isti jampridem, vel saltem audiverant, in oris Hemiplegiâ non ægrotare  
 » latus illud in quod tunc labia feruntur, sed oppositum. Putaverant forsân idem in obtorto  
 » collo observandum fore, adeoque de latere, cui caput incubuit, nil mali suspicantes deeeperat  
 » in altero latere tumor levi tensione supatus. Quinam verò tumor, quænam tensio? Credidisses?  
 » Nil profectò nisi quod in naturali Musculorum Mastoideorum actione reciproca fieri solet, hic  
 » contigisse animadversum est. At parùm gnaros vel omninò imperitos Anatomies errasse de  
 » Musculorum horumce statu morbofo, non est quod mireris. De solitis & nativis eorumdem  
 » functionibus istos etiam errasse suspicio est, Musculos Mastoideos æternis vicibus capiti in alter-  
 » utrum latus tanquam circâ axim colli circumagendo inservire docet Anatomie, asserit inspectio,  
 » probat tactus. At ne hallucineris obliquam eorumdem directionem attenus, imò cautos, obsecra.  
 » Dextro Musculo sinistrorum, dextrorsum sinistro moveri, non obliviscere. Memento insuper  
 » reliquorum Musculorum obliquè duntaxat moventium parem esse machinam. Anatomies gnarum  
 » non fecerit attenta capitis ad alterutrum humerum invitè conversi, & illac invitè labentis, inspectio.  
 » Judicavit is contigisse paralyfin in Musculo Mastoideo ejusdem lateris, in quod recubuit obtor-  
 » tum caput, alterum verò Musculum Mastoideum naturali quâdam tensione riguisse. Neque judi-  
 » casset aliter, quanvis multoties antehac observaverit alterutrius genæ paralyfin, non latus in  
 » quod os tendit, sed illud à quo discedit, affectisse. Iussit illæso musculo hæcenus applicata remo-  
 » veri statim, eademque utpote convenientia imponi lafo. Cogitavit inveniendum fore me-  
 » dium, quo caput ipsamet ægrotâ absque sedilis, lecti, manuumque adminiculo tenere posset  
 » taurisper, dum continuatâ remedium ope sanitati restituerentur affectæ partes. Cepit in arenâ

consilium; expeditum ac paratu facillimum ipsissimo serè momento ex Anatome promissum artificio. Nec mora, experimentum fecit; optimo præter expectationem successu. Unà fideiā duos, ut aiunt, parietes dealbavit, uno bis percussit ictu. Lapsum caput & collum obtortum unico instrumento & restituit, & ad libitum movit. O secretum! clamitas! Tace tantisper; non hic querendus Oedipus; Davus rem acu tangeret, modò gnarus Anatonies. En paucis: Fasciæ longioris, partim latæ, serièbus aliquot frontem, tempora, atque inum occupat ægotantis circumdedit, factâ circumductione ad latus lateri oppositum. Reliquam fasciæ portionem obliquo ductu ponè scapulam ejusdem lateris retrò demisit, inde sub axillam reduxit antroscum, reductam trahere perrexit alterâ manu, alterâ prolapsum caput ad naturalem situm sensim & leniter simul perducens. Simplices experimenti successus duplex; scilicet obtorto collo, non minùs ac labefacto capiti, succurrit. Eadem fasciæ binas languentis musculi operationes obliquitate faustâ supplendo caput sustinuit, collum restituit, utrumque pro lubitu ægotantis ultro citroque movit, instar habentis modò laxata, modò tracta, modò retenta.

#### I V.

DE isto documento satis. En aliud non minoris momenti. Graviori morbo decumbentem duo simul invisiunt Medici. Vultum, linguam, aliaque exploranda simul examinant. Inter hæc inopinâ quadam tensione Musculorum abdominis aliquid hic monstri ali indicat Medicorum alter; alter nil quod timendum foret, expertus, timenti socio: Manum, inquit, admoveamus ambo simul, non quidem festinam, sed attentam. Dictum, factum. Ille Musculorum tensiones non continuas, sed laxitate identidem interpolatas miratur; magis autem miratur placidum atque imperterritum focii vultum, nullo hinc timore, nullâ curâ percutum. Scilicet hic decumbenti occasionem subinde pepererat ea quæ circa pedes gerebantur, animadvertendi; utque eadem facilius animadverteret, caput eodem momento aliquantisper levandi. Novit Anatonies gnarus, supino corpore jacentem caput attollere non posse, nisi trahentibus Musculis Mastoideis sterno mobili affixis, hos autem conari frustrâ, nî Musculorum abdominis ope sternum simul reddatur immorum. Sat sapienti. Plura cupis? En tertium. Fractò femore laborantis curam agunt unâ Medicus & Chirurgus, uterque peritus & ad munus debite peragendum satis attentus. Lege artis omnia ad votum disponuntur. Coalitus ossium lento procedit gradu. Inter hæc identidem, more artis solito, instituitur utriusque genu ac plantæ pedis utriusque comparatio exacta, adeoque de perfectâ ossium ad situm naturalem reductione nullum dubium, nec ulla de pravo eorumdem nexu suspicio. Formatur sensim callus, atque ita demum consolidatur, ut convalescenti concessum fuerit pedibus consistere, ac levem fulcimenti ope tentare deambulationem. Vix senis progressu passibus claudicare videbatur, quæ antehac non claudicaverat. Causa queritur; in cubili ægrotæ collocatur; fit de novo experimentum, comparando utrumque genu, ac plantam pedis utramque. In eodem situ examinatur femur. Nil tactu visu deprehenditur, quod vel minimam erroris Chirurgici suspensionem pareret. Omnia symmetriam naturalem exactè mentiuntur. Abditam rei causam fingunt, veram explicari nescientes ambo, qui aded præpostere curam gesserant. Non multò post, sed eheu! nimis serò, erroris ansam detexit Medicus Anatonies gnarus. Agnovit fallaciam experimenti vulgaris. Ostendit non sufficere genuum ac pedum æqualem in istâ curatione situm; situm verò coxendicis utriusque simul examinandum fore; alteram quippe eedere trahenti Chirurgo, alterâ sursum manente, ita ut toto curationis tempore ossi pelvis situs, qui rectâ transversus esse deberet obliquus sit, non animadvertente Chirurgo; adeoque in ejusmodi casu in primis allaborandum, ut ad perfectam usque fracti aut luxati femoris sanationem, in symmetricâ & æquali positione immotæ perpetuò teneantur coxendices.

#### V.

TRIBUS hisce quartum addere non pigebit, superpondii instar. Conqueruntur in eadem societate quam plurimi de variis diversarum capitæ & colli partium ægritudinibus. Conqueruntur insuper de insausto plurimorum, quæ suis cuique Medicus præscripserat, remediorum successu. Frequentius affligunt vertigines, hemicranie, torpores, ophthalmie, lippientes oculi, tinnientes aures, eructus nares, tonsillæ tumentes, inflammatae fauces, dolentes gingivæ, genæ rubefcentes, turgentia colla, aliaque id genus tragædiæ. Suboluit demum scrutatori Anatomico quæ hæctenus latitaverat atque illuserat Pandora pyxis. Unum ille tot malorum fomitem detexit; unam tot auxiliorum remorantem offendit. Unum denique omnibus auxilium invenit, & quidem efficacissimum. Solâ collaris amulici strictiore vinciturâ jugularium venarum torrentem sufflami-

nante, partim natas, partim fotas, ac partim adauctas easdem infirmitates animadvertit. Laxato colli cingulo istas vel sustulit derepente, vel minuit gradatim, vel efficit curatu multo minus difficiles. Post hæc innumeros ferè ejusdem satinae valetudinarios eodem succurrit auxilio. Videlicet amiciendo collo infervientia, sive lintamina, sive indumenta alia, nundis stringerent, admonuit opportunè, adedque ab infelici ac sæpe funesto effectui præcavit felicissimè. At exemplorum satis! Consequentia expectas? Ausculta rursus Anatomicorum sui sæculi principem. » Quot-  
 » sunt, inquit ille, istas historias? Ut omnes intelligant doctrinæ Anatomiz necessitatem in  
 » exercendâ Medicinâ; ut illos errores, vel potius homicidia, quæ ab ignavis & imperitis per-  
 » petrantur, peritus Anatomicus evitare possit. Hæc Riolanus noster.

*Non ergo in cognoscendis morbis errores funestos vitare potest Anatomes  
 parum duntaxat gnarus.*

## DOMINI DOCTORES, DISPUTATURI.

M. Philippus Davier de Bre- ville, Doctarie Hispaniarum Regina Consiliarius & Medi- cus ordinarius.	M. Ludovicus - Simon Emme- rez.	M. Michael Ludovicus Rencar- me de la Gavarne, Scholarum Professor, & Regiæ Scien- tiarum Academiæ Socius.
M. Jacobus Trant, è Regiâ Scien- tiarum Academiâ.	M. Guillelmus de Magny.	M. Raymundus-Jacob Finot.
M. Petrus Maloët, Consiliarius & Medicus Regis ordinarius, nec non Domus Regiæ Inva- lidorum Ducum & Militum, Regiæ Scientiarum Academiæ Socius.	M. Gabriel-Antonius Jacques.	M. Ludovicus Lemery, Medicus Regis ordinarius, Regiæ Scien- tiarum Academiæ Socius & Chymia in horto Regio Pro- fessor.

Proponebat Parisiis PETRUS ROUSSIN DE MONTABOURG,  
 Constantienfis, Baccalaureus Medicus, A. R. S. H. 1732. à sextâ ad meridiem.